

醫學辨害



醫學辨害

亨函



九



醫學辯害卷第四

南紀荊山

宇治田

藏府類

藏府總論第一

夫人身之藏府成於五行造化其象隱於內其
屬見於外故五情見於外則爲怒喜思憂恐五
音見於外則爲角徵宮商羽五聲見於外則爲
呼言歌哭呻五色見於外則爲青赤黃白黑五
味見於外則爲酸苦甘辛鹹五臭見於外則爲



臊焦香腥腐五部見於外則爲筋血肉皮骨五
竅見於外則爲目舌口鼻耳五榮見於外則爲
爪色脣毛髮五液見於外則爲泣汗涎涕唾五
此見於外者尚有不可勝計如六藏六府十二
官三陰三陽十二經之數更有相火所加而然
是遊行於五行之間聖人由此而明藏府經絡
立名表實而遺教於後世學者雖有承教而知
難恨其不能明知耳今世醫家奴僕亦或誦而
誦之曰肝木膽府眼筋爪曰母外厥陰肝試問

其故無微知之假如其象爲左三葉右四葉主
位居膈下爲陰中之陽其官爲將軍等說其義
予細問之老醫或有辨口宜哉如包絡三焦合
門之奧義不能明知其所歸著也又或有鑒智
者侮聖人之言解剖死人而窺其內妄立私見
而爲惑人殊不知聖人唯能以理而推明其象
也吁嗟如陳無擇馬玄臺之輩尚有其爲惑而
況今世之人乎予按無藏府經絡何疾病之有
無疾病又何治法之有唯是醫之有治法乃有

藏府經絡也故內經以來至於名醫諸書其咸
所載疾病治法自藏府經絡而論之然則藏府
經絡爲本爲始疾病爲次爲中治法爲末爲終
先明藏府經絡而後明疾病明疾病而後明治
法其序不差有能得道孔子曰物有本末事有
終始知所先後則近道矣此之謂也予觀今爲
醫者多不知所先後唯逐其末而忽其本豈可
無誤而殺人乎

藏府非解剖而可視論第二

靈樞經水篇岐伯答曰善哉問也天至高不可
度地至廣不可量此之謂也且夫人生於天地
之間六合之內此天之高地之廣也非人所能
所能度量而至也若夫八尺之士皮肉在此外
可度量切循而得之其死可解剖而視之其藏
之堅脆府之大小穀之多少脉之長短血之清
濁氣之多少十二經之多少血少氣與其少血多
氣與其皆多血氣與其皆少血氣皆有太數其
治以鍼灸各調其經氣固其常有合乎此篇論

十二經脉合十二經水是卽所以參天地而應
陰陽也善哉問也言爲非帝不能有如此高深
之間而嘆美也且夫人生於天地之間六合
內言人生於天地六合之間參而爲三才其理
全合天地六合也人力謂人力之作爲也太數
謂自然之太數也蓋大是天地高廣之義也數
是理之所見理是數之所本一卽太極之數太
極卽一之理二卽陰陽之數陰陽卽二之理三
卽天地人之數天地人卽三之理自四德五行



而至萬物有理則有數有數則有理故能以
而推知之天地萬物其數自明也各謂其經
是兼脉血二字而言之猶謂調其經脉血氣
有合謂有十二經脉合十二經水也此言天之
高地之廣有自然之大數非人力之作爲所能
度量而至唯能以理而推知之高廣之大數自
明也若夫八尺之士皮肉在此外可度量切循
而得之其死可解剖而視之是唯人力之作爲
所至也其內藏之堅脆府之大小穀之多少脉

之長短血之清濁氣之多少十二經之血氣多
少亦皆如天之高地之廣有自然之太數是
非人力之作爲所可解剖而視之聖人唯能
理而推知之其治以鍼艾各調其經脉血氣固
其常有十二經脉合十二經水乎張介賓註曰
其生也可度量其外其死也可剖視其內故如
藏之堅脆則見於本藏篇府之大小穀之多少
則見於平人絕穀篇脉之長短則見於脉度篇
血之清濁則見於根結篇十二經血氣多少各

有^ハ太^チ數^ス則^チ見^{タリ}於^ニ血^チ氣^ス形^ノ志^ノ等^ノ篇^ニ予^ハ今^ニ以^テ內^ノ故^ヲ
字^ヲ觀^ル之^ヲ介^ノ賓^ヲ以^テ爲^ス如^キ藏^ノ府^ノ氣^ノ血^ノ經^ノ脉^ノ皆^ノ可^ク解^ス
而^レ視^ル之^ヲ是^ハ大^ニ誤^リ也^{ナリ}夫^レ生^レ者^ハ爲^ス常^ニ死^ス者^ハ爲^ス變^ニ其^ノ故^ヲ
不^レ可^ク混^ス同^ニ而^レ論^ス之^ヲ人^ハ死^ス則^チ氣^ノ血^ノ共^ニ從^テ精^ノ神^ノ而^レ脫^ス
清^ク濁^ク多^ク少^ク何^レ處^ニ解^ス剖^ス而^レ視^ル之^ヲ雖^モ有^リ神^ノ智^ノ聖^ノ明^ノ不^レ
能^ク微^ニ以^テ視^ル之^ヲ藏^ノ之^ヲ堅^ニ脆^ニ府^ノ之^ヲ太^ニ小^ニ氣^ノ血^ノ能^ク養^ス則^チ
無^ク失^ス常^ニ氣^ノ血^ノ共^ニ脫^ス則^チ必^ズ爲^ス變^ニ位^ノ之^ヲ高^ニ下^ニ色^ノ之^ヲ黑^ニ
白^ニ亦^モ必^ズ無^ク不^レ盡^ス以^テ爲^ス變^ニ今^ニ以^テ外^ノ形^ヲ而^レ推^ス知^ル之^ヲ如^キ
傾^ニ垂^ニ囊^ノ縮^ノ脣^ノ青^ノ爪^ノ黑^ノ之^ヲ類^ニ是^ハ也^{ナリ}又^モ有^リ太^ニ稟^ニ爲^ス二^ノ

十五變之不同其藏有大小高下堅脆端正偏
傾其府有大小長短厚薄結直緩急欲知當
之人不可無盡知之平人絕穀籍所見大小
山谷因其人而爲度量非能知此變不能明定
之豈有解剖幾人而能知之乎若欲因通局度
量而定之縱雖無此變人有大小長短藏府亦
從之豈有能知之乎又有因病爲變失常平之
象或病成形而亂藏府或藏府傷損而不全或
長大者縮而爲短小或短小者盈而爲長大或

高下左右移其位或黑白清濁易其色儻有
剖如此之人豈無真似之惑乎予顧
之間無理外之物以理而推知之何物有
乎聖人由近而知遠由見而知隱天地萬物無
一不明是有能以理而推知也故人之藏府血
氣隱而在內亦必有不解剖而能知之否則不
可謂之生知之聖矣孟子曰所惡於智者爲其
鑿也如智者若禹之行水也則無惡於智矣禹
之行水也行其所無事也如智者亦行其所無



事則智亦大矣。入之高也，星辰之遠也。苟求
故千歲之日，至可坐而致也。張南軒曰：故者，
然之理也。然則所謂未其故，乃以理而推知。
若非以理而推知，何以可坐而致乎？若非可坐
而致，何梯以登天之高，視星辰之遠乎？又何壽
以認千歲之日，至乎由此觀之，則愈知聖人必
不解剖也。介賓不知有此義，妄註而為誤。後學
矣。馬玄臺唯隨文解義，如無其可辯，然予前日
讀正義，見憑據徐道以論三焦，斯知非無解剖。



之意也。若欲知其意，當見予後論，詳以辯正。今不及言焉。弟子時引華佗傳記曰：疾發於內，針藥所不能及者，剗破腹背，抽割積聚，瀉腸胃，除去疾穢。夫有如此之妙術，恐是有可解剖而視之乎？予曰：凡書所記有奇怪而不可信者，此之類也。故龐安常曰：術若是，非人所能爲也。其史之妄乎？汝據此而議聖人，是不知龐氏之言也。聖人口尚不語怪，而況有爲此術乎？予觀今作銅人形者，不知行其所無事，解剖以區

別藏府煮熟以離決筋骨疑聖人之言用鑿
之見誤而象藏府系經絡豈不致醫道之
吁嗟鑿智害諸道天下古今之通患也故上
欲省其愚諄諄然而有此言予常引以警弟子
唯非今日一稱而爾

心爲君主論第三

內經靈蘭秘典論曰心者君主之官也神明出
焉膈者相傳之官治節出焉肝者將軍之官謀
慮出焉膽者中正之官決斷出焉膻中者臣使



之官喜樂出焉脾胃者倉廩之官五味出焉大
腸者傳道之官變化出焉小腸者受盛之官化
物出焉腎者作強之官技巧出焉三焦者決瀆
之官水道出焉膀胱者別都之官津液藏焉氣
化則能出矣凡此十二官者不得相失也故主
明則下安以此養生則壽歿世不死以爲天下
則大昌主不明則十二官危使道閉塞而不通
形乃大傷以此養生則殃以爲天下者其宗大
危戒之戒之趙氏醫貫設以或問引儒道佛三